

修訂日期 2006/12/13 発行日期 2007/3/7 発行単位 中華電子

仏典協会 (CBETA) <http://www.cbeta.org> 資料底本 大正新修

大正蔵経 Vol. 3 No. 166 原始資料 蕭鎮国大徳提供 維習安大

徳提供之高麗蔵 CD 经文 北美某大徳提供 Jasmine 提供新式

標点No. 166 [No. 153(5)]

奉 詔 識 仏説月光菩薩経西天訳経三蔵朝散大夫試鴻臚少卿明教大師臣法賢

奉 詔 識

如是我聞 一時 仏在王舍城竹林精舍 与大苾芻衆 而為説法

時舍利弗 大目乾連 前詣仏所 五体投地 礼仏足已 白仏言

世尊 我等今者 不忍見仏入於円寂 而於此時 先入滅度

爾時衆中 有一苾芻 合掌向仏 而作是言 世尊 舍利弗 大

目乾連 有何因縁 今於仏前 先欲入滅 唯願世尊 為解衆疑

爾時世尊 告苾芻言 汝今諦聴 吾為汝説 舍利弗 大目乾連

貪瞋痴等諸漏断尽 所作已弁 梵行已立 不受後有 非唯今日先

欲入滅 於過去世 北印度内 有一大城 名曰賢石 長十二由旬

広闊亦爾 彼有国王 名為月光 寿四万歳 有天眼 宿命通 身

色端嚴 諸相具足 光明照耀 如天満月 所往之处 不仮灯燭日

月之明 故号月光 統領四洲六万八千国土 時世豊熟 人民安隠

金銀珍宝 飲食衣服 象馬車乘 悉皆盈満 於城四門 皆有楼閣

戸牖軒窓 俱用衆宝而為嚴飾 街巷道陌 掃洒清浄 豎立幢幡宝

蓋 真珠瓔珞 復有沈香 栴香 栴檀之香 微風時起 吹其香氣

周徧国城 車馬行人 不聞穢氣 処処復有花果樹木 多摩羅樹

迦尼迦囉樹 無優樹 貝多樹 娑羅樹 帝羅迦樹 龍花樹 末俱

羅樹 阿底目伽樹 播咤羅樹 繁鬱茂盛 鸚鵡舍利 迦陵頻伽

俱計羅鳥等 於諸樹間 作微妙音 於城内外 流泉浴池 常出好

花 優鉢羅花 俱母那花 奔陀利迦花等 如是富貴 種種裝嚴

仏告苾芻 爾時月光天子 於市肆街巷及城四門 堆聚金銀珍寶

象馬車乘 飲食衣服 臥具醫藥 種種莊嚴之物 即擊金鼓 告令

衆人 月光天子 以種種財物 普施一切 隨意所須 求者相給

爾時南瞻部洲 一切衆生 皆至王城 求其所施 無不豐足 得大

富貴 無一貧乏及徒行者

爾時月光天子 復自思惟 雖諸衆生無有貧乏 对我所用猶未齊

等 復以細妙衣服 最上珍寶 頭冠瓔珞 臥具飲食等 施諸衆生

富貴莊嚴 皆如月光天子身 城邑宮殿 樓閣園林 種種嚴飾 如

切利天

有七十二百千那由他人 常止此城 有二千五百大臣 有二輔相

一名大月 二名持地 容貌端正 福德淳厚 智慧深遠 高才博識

恒以十善 化諸衆生

是時大月 於夜睡眠 而作一夢 王戴天冠 變黑煙色 復有鬼

來 就王頭上 奪冠而去 作是夢已 憂惶驚懼 恐有不祥而自思

惟 我王慈愍 惠施一切 求者不違 必有惡人 來乞王頭 作是

念已 即用七宝 造一宝頭 如有乞者 以此代之

時持地輔相 亦作一夢 見月光身 四体分散 即召婆羅門 占

夢凶吉 婆羅門曰 此夢甚惡 必有遠人 來乞王頭 持地聞已

悲泣感傷 云何我王 有斯大禍

爾時 一万三千五百親位大臣 俱作惡夢 幢幡倒地 金鼓不鳴

恩愛別離 悲啼哭泣 如是夢已 共相議曰 王若不吉 一切衆生

誰為救濟 我等云何而得安隱

時月光天子 又告大臣 尽我壽命 施於衆生 不得間斷

爾時香醉山中 有大婆羅門 名曰惡眼 聰明多智 善解技術
知月光天子 於城四門 大開施會 擊鼓宣令 普告四方 求者供
給 而無乏少 我今往彼 乞於王頭 作是語已 下香醉山
山有天人 知婆羅門來乞王頭 悲痛傷歎 苦哉 苦哉 此王心
懷慈愍 利樂群生 如若命終 世間薄祐 作是語時 天地昏黑
日月不現 泉井枯乾 暴風卒起 吹砂走石 樹木摧折 大地震動
有如是 不祥之相

去城不遠 有一仙人 身具五通 名弥湿曇 弭怛囉 与五百眷属
常以慈愍 護念衆生 見此徵祥 甚懷憂惱 告摩拏 曇迦曰 必有
災禍 臨於民主 我等云何而為救護 虚空中緊那羅衆及諸天人
皆悉下淚 如降微雨 一切人民 心懷驚怖
時惡眼婆羅門 將欲至城 護城天人 詣月光天子前 今有惡人
從香醉山來 懷殺害心 欲乞王頭 不得聽之 宜保愛自身 固安
聖體

王既聞已 心生踊躍 歎言 善哉 令我円滿檀波羅蜜
時惡眼婆羅門 即入王城 守門天人 見婆羅門 神情醜惡 隔
住門外 終不放入 時月光天子 知彼來至 不放入城 即告宰臣
大月 有婆羅門 從香醉山來 欲見於我 令彼門司 不得障礙
大月受教 白守門天人 即令放入 大月見已 問婆羅門曰 汝
來至此 有何所求

婆羅門言 我聞月光天子 慈愍有情 設大施會 若有所求 一
切無悞 今來至此 欲乞王頭 大月告言 婆羅門 王頭膿血所成
終歸爛壞 汝今乞得 有何所用 我有七宝頭 復有種種金銀珍宝
俱奉施之 乃令子孫永得大富
婆羅門言 我本乞頭 非為珍宝

時二大臣 啼泣雨淚 悲痛憂惱 我等云何得免斯害
時婆羅門 即詣王前 見已頂禮 住立一面 合掌白言 聞王慈
愍 普施一切 我今遠來 只乞王頭 願垂慈愍 歡喜布施 而說
偈言

菩薩志求無上智 安住最勝清淨法
願垂慈愍速捨頭 円満檀度波羅蜜

時月光天子 即起合掌而說偈言

父母所生不淨身 汝求我頭歡喜捨

滿爾本願称心歸 令我速成菩提果

說此偈已 白婆羅門言 勿嫌我頭

清淨 而即施之 満汝本願

時婆羅門 心大歡喜 王欲截頭 即去頭冠 是時南瞻部洲 一

切頭冠悉皆落地 人各驚惶 輔相二人 不忍見王捨棄身命 即於

彼処 自尽其寿 以善根力 生大梵宮

時菩薩摩訶叉 於虛空中 高声唱言 苦哉 天子 今將命終 復

有百千億人 奔詣王宮 啼泣下淚 傷愛別離 王即說法安慰 令

発道心

婆羅門言 王若捨頭 宜於淨処

王即告言 我有一苑 名摩尼宝蔵 花果茂盛 流泉浴池 種種

莊嚴 最為第一 於斯捨頭 汝意云何

婆羅門言 宜速往彼

王即携劍 往彼苑中 立瞻萄樹下 告婆羅門言 我今捨頭 汝

来截之

婆羅門曰 王不自断 令我持刃 非布施行

時有護苑天人 見是事已 悲泣涕淚 告婆羅門曰 汝大惡人

月光天子 慈愍一切 普利群生 何以此処 害天子命

王告天人 莫作是言 障礙勝事 我於過去無量生中 為大國王

於此苑內 千度捨頭 時諸天人 皆無障礙 昔濟餓虎 捨身命等

超於慈氏四十劫 彼時天人 亦不障礙 汝於今日 爰隨喜心 當

獲勝利

月光天子復告天龍八部一切賢聖 我今捨頭 不求輪王 不求生

天 不求魔王 不求帝釈 不求梵王 為求無上正等正覺 令未受

化者廻心受化 已受化者速得解脫 得解脫者円証寂滅究竟彼岸

又願命終之後 舍利如白芥子 於摩尼宝蔵苑 建一大塔 令一切

衆生 礼拝供養見聞隨喜 命終之後 皆得生天 爰菩提心 出生

死界

爰是願已 婆羅門曰 王捨内財 甚為稀有 於未來世 速成仏

道 作是語時 王以首髮 繫無憂樹枝 即執利劍 自斷其頭

爾時三千大千世界六種振動 於虛空中 天人讚言 善哉 善哉

今月光天子當得成仏 復雨優鉢羅花 鉢納摩花 俱母那花 曼陀

羅花 及沈香 栴香 旃檀之香 種種供養 即以旃檀香木 焚燒

遺体 収其舍利 於摩尼苑及四衢路 各起一塔 恒時供養 現在

未來一切衆生 於此苑中 行住坐臥 及於塔前 瞻礼供養 命終

之後 生六欲天 及梵天上

爾時仏告諸苾芻 往昔月光天子者 今我身是 大月 持地二輔

相者 今舍利弗 大目乾連是 惡眼婆羅門者 今提婆達多是 由

是因縁 先於仏前 而請入滅

時諸苾芻 聞仏所説 皆大歡喜 信受奉行 礼仏而退

仏説月光菩薩經